

榆次縣志卷之二

城池

榆次之城築戰國之際已有之然自漢以來營立廢徙遠不可考今城之建自隋始

按省志謂城自漢築蓋未考耳

隋文帝開皇初改北齊中都縣仍爲榆次縣乃徙縣於漢故城東北隅更爲新城則今縣城所由始也其初土城周五里高三丈基廣四丈上廣二丈池濶與高等深半之爲門三上建樓櫓歷

榆次縣志

卷一

城池

一

唐宋元史思明僕固瑒李克用及女真蒙古攻圍者數然舊制具存

明景泰元年脩築周五里加擴三十步高與舊城等池深八尺仍爲三門東門曰迎曦南門曰觀瀾北門曰望嶽

舊志唯載景泰年重脩其規制門名皆不書今採府志補

成化十九年知縣趙縉增築

成化二十三年知縣梁琮重脩先是城唯築土爲

之至琮始甃以磚石仍以鐵裹其門於沿池堤上植柳以護之

嘉靖二十年俺答入寇叅政王儀檄知縣李鵬重葺之鵬乃與邑人致仕知府寇天與其董其事閱數月告功視舊城增高五尺廣一尺撤土陴悉易以磚增置敵臺十角樓四警舖十有六池外復列垣爲蔽

嘉靖二十五年城南樓燬於火知縣俞鸞毀淫祠撤其材以重建焉仍新其三門視舊城更增堅

榆次縣志

卷一

城池

二

壯

府志失載俞鸞事按舊志云新其三門東曰迎曦南曰觀瀾北曰望嶽當是因景泰之舊而新飾之非鸞爲之初其名也

隆慶元年知縣董三遷重脩城四面悉加磚甃復增置敵樓一十有六警舖十有三門各建大樓於上

府志無董三遷事

萬歷三十二年知縣史記事開城西門記事以三

十一年來知縣事謂居西者農作遶遠風氣障抑乃復開西門築甕城樓與三門等名其門曰帶汾

按舊志稱城始隋築其門三府志稱景泰元年脩城其門亦三唯東南北則似止三門而無西門然舊志於董三遷脩城下又云西門久塞而張國儒史記事生祠記縣有西門虜虜患塞久矣侯因士民請役興而民不擾築甕城城門南向以迓鳳山之秀上建樓七楹

塞者復通往來甚便則是舊固有四門志直云門三亦昧其說之自牴牾也意隋始築城時其門本四後來塞之而脩築者相沿志乃遂以爲三門耳第國儒記所云虞虜患者不知何指其塞之者不知何時記載缺如所謂史失之也張記又云額曰來鳳今考甕城門則顏鳳朝云

萬歷三十三年知縣王應楫因史記事闕西門繼成其役額城之曰夕餞先是門闕而大道

未通應楫捐金易民宅爲廣衢闡閣洞達至今
便之應楫自有記

天啟三年知縣胡權重修邑人給事中張國儒爲
碑國儒記云匠役工費不煩都里權捐三百金
以給之使主簿李復允司其事復允明堪輿術
以城東南隅爲文峯特高其樓置巨鐘於上擊
聲遠播爲邑中科第風水資

崇禎七年知縣任濬環城穿濠深數仞

按今縣南門濠已淤爲平壤民耕之唯東西

榆次縣志

卷一

城池

四

北三門隍帶其間加淺狹矣

崇禎十三年知縣韓如愈重修各門城樓

國朝順治六年城東樓災知縣楊三知重修故明
御史張養爲碑

康熙二十二年霪雨壞東城數十丈知縣劉星重
葺之

康熙二十二年地震壞南關雉堞知縣劉星補脩
康熙四十年知縣王奕宣脩東門甕城六丈復脩
南關西面損壞城墻堞口四十丈

雍正六年知縣鄒雙脩城樓角樓

雍正十一年南關城壞知縣石鑑重修

乾隆十三年知縣錢之青脩關城西垣墻十有

丈六尺十四年復修西城壞墻四丈三尺有奇

南關土城周五百四十七丈高一丈九尺廣一丈

二尺池濶二丈深丈餘上置樓櫓雉堞明嘉靖

二十一年知縣李鵬主簿梁柱扃建

褚鈇碑記云嘉靖辛丑俺答至城下大掠十日

關民七千餘家半被焚戮上司憫之檄知縣李

榆次縣志

卷一 城池

五

鵬扃建土城三面與大城聯絡足資保障

萬歷二十一年知縣徐守謙恐城易圯請於上司

時蕭大亨爲督府檄令磚甃二十五年知縣張

鶴騰增脩悉易以磚周六百五十三丈高三丈

三尺基濶二丈五尺上濶一丈八尺置敵臺十

有二高與城等池外列垣高五尺爲門三各建

樓於上扁其南曰萬春左曰東作右曰西成

褚鈇碑記云徐君宰縣事議以榆邑去邊塞不

遠關城與縣城連若關城破縣城不能獨存然

以一關之故而勞一縣有所不忍縣有民壯百八十三名每名工食六兩二錢半赴邊脩守半畱縣歇役若以歇班工食扣畱脩理歇役暫令歸農則三歲可得銀二千二百有奇內以一千三百兩買磚以二百三十兩買灰以七十八兩買石以四百六十兩給匠役搬運工食約用夫一千餘名車三千餘兩牛取諸有力之家以三十丁朋當一名則用人力歲不過一日而關城可完遂委縣丞張之雍等先增高土城功未

完而調去張君鶴騰繼之張君見邊方多事警報曰聞若待三年成城恐倉卒不能備查得庫貯保德倉本色餘銀無礙若權借七百餘兩豫備磚石俟扣民壯工食補還則一年可完二年之功於官無損於事有濟乃請於上官許之復委縣丞趙啟後董焉不及二年功竣

史記事蕭大亨南關生祠記云榆次南關之城土築而矮不足捍禦蕭公每欲甃甃以遷官果及公節鎮雁門制閩雲朔免榆次戍邊之資

儼治材物復免榆次士卒之戍邊者使襄其役
於是崇墉列堞邑人倚爲長城

按關城之築議始於蕭而事成於徐與張昔
之爲令者爲民任事且經畫精詳如此故備
載顛末

驛城堡寨附

鳴謙驛城在縣北二十里明天順初驛丞李杲所
建至嘉靖辛丑八月北寇奄至居人化離殆盡
於是義民李時仁以告主簿梁柱柱與知縣李

榆次縣志

卷一

城池

七

鵬請於撫按更築之即使時仁主其事月餘訖
功四周岼然城周三里疏故池引流泉以繞其
外今亦多圯

懷仁堡在縣西南十五里周一百八十丈嘉靖二
十年築今止北面存

馬村堡在縣西南二十里周一百六十丈嘉靖二
十年建時北虜深入居人依此得免鋒鏑今唯
址存

東陽堡在縣南三十里周七百五十丈西南北有

門上各建樓爲警舖嘉靖二十一年築今存廢不一

長壽堡在縣南十八里周一百八丈嘉靖二十一年築今多斷缺形勢不全

張慶堡在縣西南二十里周四百丈上建樓堞嘉靖二十一年築

永康堡在縣西南三十里周四百丈東西南三門上置樓櫓嘉靖二十一年築

開白堡在縣南二十里周一百四十丈嘉靖二十一年築

榆次縣志

卷一 城池

胡喬堡在縣西南三十里周八十丈嘉靖二十一年築以上四堡今並廢

陳胡堡在縣南二十里周二百四十丈嘉靖二十一年築今斷續不一

源渦堡在縣東八里周一百十丈嘉靖二十一年築萬曆二十八年脩今堡存

東郝堡在縣東南十里周一百十丈嘉靖二十一年築今廢

使趙堡在縣西北八里周九十丈外爲馳道環甃以磚而鐵其門南北爲樓四隅皆有舖舍嘉靖二十一年居人闔梅等捐金築之萬歷二十六年民康廷舜等重脩今尚完

使趙北堡在南堡稍北周一百二十丈嘉靖二十年築明年北寇入人民依堡獲全者千餘家康熙中脩之雍正十年復脩今尚完

郭家堡在縣西門外五里周三里許東西有門嘉靖二十二年民郭廣等所築今完固如故

榆次縣志

卷一

城池

九

上營村堡在縣西二十里周一百五十丈嘉靖二十七年築今存

什貼堡在縣北四十里周一百五十丈嘉靖二十一年築今尚存

楊盤堡在縣西北十五里周一百二十丈嘉靖二十一年築今廢

磚井堡在縣西北二十里周七十丈嘉靖二十一年築今廢

麓臺寨

楊壁寨

訓谷寨三寨卽今麓臺楊壁訓谷三村地也三村地勢峻險四面皆溝唯通曲徑爲避兵之所故以寨名嘉靖辛丑北寇之變人投麓臺村寨以免難者至衆云

谷頭寨在縣北十五里地險如麓臺諸寨亦可避兵

春秋凡城築必書說者以爲重於勞人然亦見因時設險之義焉歐陽脩新唐地里志雖

一鎮一戍悉記於其州之下蓋以表夫前人之經略制置欲後觀考其跡而因得以脩其備其意深哉前志所載堡一十有八大抵皆築於嘉靖中北虜入寇時至今廢毀者已十之八九夫方平居無事民莫不厭勞苦而憚興役一旦倉卒倣擾又未嘗不願得所保聚以免於禍患至事定而安樂如故而忼愾復乘所以勤苦築於先時者徃徃圯壞於其後然雖無事而向之所恃爲固而艱難入保者

尤不可忘况堡寨所存又足壯城郭之勢
資外衛者哉予是以志之以附歐陽氏之旨
若懸壺聖賢寨已別見者不復及云

榆次縣志卷之二

公署

縣治在城中央少西南宋改榆次縣爲并州已而復爲縣縣治卽州守署之遺也舊縣署前臨衢道榜大門曰榆次縣又榜其楣曰晉藩首輔明晉王封國太原以縣擬三輔故云至今仍焉內爲儀門更進爲思鳳樓由思鳳樓入當甬道上有亭貯戒石焉亭北升階上爲大堂榜曰牧愛縣令聽政蒞訟之堂也自牧愛堂入復有堂曰

榆次縣志

卷一

公署

十二

思補自思補堂入爲宅門門內爲縣令宅牧愛堂之左爲幕廳右爲會計所思補堂東西皆有屋曰東庫西庫牧愛堂之前夾戒石亭左右分列六曹掾吏治事焉儀門東爲旌善亭儀門西爲申明亭思鳳樓外兩傍左土地祠右爲獄縣署之東爲預備倉倉東兵器庫在焉兵器庫久廢今址無存明洪武三年知縣林昇所建歷宣德成化正德中知縣曹顯梁琮蘇民鄭德崇皆相繼增飾其後六曹屢燬於火知縣尹倫雷雨

重建而思鳳樓歲久且敝嘉靖二十五年知縣
俞鸞撤而新之規制如舊倍加宏麗而縣治之
壯觀乃備

此明時縣治之規模也祭酒闔樸脩思鳳樓
記云樓相傳文潞公署令時所築上列鐘鼓
以報晨昏斯樓之廢積已百年之久俞侯乃
追復而鼎新之

今縣署國初移思鳳樓於大門之東餘仍明舊康
熙三十四年知縣荆振日出俸百金脩焉大堂

榆次縣志

卷一

公署

十三

三楹扁曰牧愛中爲聽事所左右兩楹雍正六
年鄒雙知縣事改爲東西兩庫堂左有鄮侯廟
東西分列六曹當階樹

聖諭牌 一座外爲儀門又外爲大門大門左亭
曰獎善右亭曰 惡今並改役舍譙樓扁曰思
鳳舊在儀門內後改建於大門之東樓北爲寅
賓館爲土地祠爲稅課房儀門西爲關聖祠又
西爲監明萬曆二十五年知縣張鶴騰脩獄周
甃以磚至今完固如舊大堂之後爲二堂庭有

古槐二大堂二堂各懸雲板一猶隆慶四年所鑄者旁爲永益庫二堂左右各有屋三楹二堂後爲宅門知縣鄒雙移宅門於二堂之外改建二堂後一丈許扁曰景文又內爲三堂亦額曰思鳳又內爲後堂扁曰內省最後廳九楹甚宏敞雙毀而狹之今止存三楹思鳳堂西偏前有問心亭後有槐月軒又有冰雪堂半憩亭半憩亭知縣劉星建其槐月軒冰雪堂制極華敞軒中古槐一夏時覆蔭滿庭可以延賓客爲退食

之所皆毀於雙今二堂西屋三楹仍顏曰問心則知縣石鑑所復作非初制也槐月軒故址後有幕舍三楹思鳳堂東隅地勢隆起列小屋數間爲縣官庖其東隙地數畝有高阜可登以眺遠蓋庖爨者聚煤土其間積久成坡陀不復知歲月矣其下有隙地數畝西爲馬廐中有馬王廟殊小廟傍有井知縣鄒雙建倉於隙地之南又東爲舊倉乾隆四年知縣劉濤以公署多敞始自內宅至大門畢脩之於是一新

此今時縣署也自思鳳樓移於大門之東而規模與昔異自鄒雙移宅門於二堂之外諸屋多所毀撤而規制與先又大異矣然思鳳樓之移不知何時邑人無能識其事者康熙二十二年知縣劉星重脩之則當在星前甚久順治元年耿宗舜爲榆次縣知縣之始續志稱宗舜草昧經綸多所整頓或時當流賊破城後官署殘毀宗舜葺治之樓因以移歟縣大門左右夾以二坊明時爲褚尚書鈇所

立者康熙四十一年知縣王奕宣曾出俸錢脩之今屹存

縣丞宅舊當思補堂之東東庫舍外明崇禎中丞汰宅亦廢今爲永益庫

主簿宅舊當思補堂之西西庫舍外 國朝順治初汰簿其宅亦廢

典史宅舊當思鳳樓之東東三曹屋舍外今當縣

儀門外

故察院公署在縣治東

故布政分司署在察院東城隍廟西

故按察分司署在城隍廟東

上皆久廢續志云明崇禎十五年夏察院灾
布政司亦毀其察院廢署康熙二十七年知
縣劉星以其址建兩賢祠布政司署址今存
察院分司署址今乾隆十三年新建義倉

鳴謙驛館在鳴謙驛城內洪武三年設後爲傳堂
左右爲廂房前爲退堂左爲餼舍又前爲駐節
堂東西爲倉庫南爲望捷傳命門門之外左馬

榆次縣志

卷一

公署

廐右官亭南望重檐高棟爲皇華樓今堂樓盡
廢唯驛丞宅存

公所宇舍倉庾附

射圃亭 在儒學西明正德三年知縣蘇民建南
北長四十四丈東西廣六丈六尺中築臺基圓
圍九丈上建正亭三楹

演武廳 舊在縣城西南隅明嘉靖二十一年知
縣辛樂市地改置於城西門外外爲轅門中間
爲官道北首臺階上建廳三楹廳東西耳房各

一間廳東將臺一座今圯其南照壁一今頽已
丈餘其臺址南北長五丈五尺東西廣六丈二
尺官道東畱地二十畝道西畱地二十四畝
預備倉 卽今常平倉明初置在城外永樂三年
知縣曹永中移縣治東建屋三十餘楹成化嘉
靖間知縣梁琮尹倫俞鸞相繼脩舊有官亭三
楹雍正四年知縣張孫紘以其屋爲社倉附常
平倉內

社倉 凡五處一在城中常平倉內一在長寧一

榆次縣志

卷一

公署

十七

在東陽一在龍白村一在鳴謙俱雍正四年知
縣張孫紘奉文立舊志載明時榆次社倉有四
皆隆慶中知縣王應辰所立在鄉者三曰鳴謙
社倉東陽社倉什貼社倉而在城一則順成街
者是也今唯鳴謙社倉卽舊址所建餘並廢
義倉 乾隆十二年知縣錢之青倡捐穀一百石
邑士民共輸穀四千七百三十五石分貯城鄉
凡六處本城義倉在城隍廟東故按察分司舊
址內乾隆十三年邑紳郝仁貴建屋三楹其四

鄉義倉一在鳴謙卽借社倉貯之一在張慶一
在北田一在八達村一在上黃彩村俱借廟宇
存貯尚未建倉

惠民藥局 在縣治東明萬歷二十七年知縣張
鶴騰捐俸買民屋址建正亭門鋪各三間令醫
官一人醫者二人居其中擇方置藥以救民病
今縣衙設立醫學者卽其故所

舊志又有稅課局陰陽僧道等學皆久廢

養濟院 明洪武八年知縣張友政建嘉靖二十

榆次縣志

卷一

公署

十八

五年知縣俞鸞繼脩在常樂寺西其址南北長
十三丈五尺東西北廣五丈六尺南廣六丈內
正屋五間東西房各四間乾隆六年知縣錢標
重脩

祿鄉桑芸有碑康熙十二年教諭竇瑀率紳士
共脩又於明倫堂東朐建魁星閣始春二月竣
功八月絳州馮繼祖爲記康熙二十二年十月
地震多所傾圮知縣劉星荆振日相繼脩葺邑
紳桑日知有文刻石雍正十三年知縣薛子璋
見學宮不葺者已久乃與紳士桑鳳章等 舉
其事未及行而子 陞任去乾隆二年知縣王
有德捐俸五十金方經理脩葺而有德去官不
果又五年是爲乾隆七年知縣錢標始經畫焉

榆次縣志

卷一

學校

五

後一年標復遷朔州牧去功未完者十之二三
若大成殿兩廡戟門牌坊神厨齋所明倫堂兩
齋房皆其所葺者也

書院義學附

源池書院 在縣東八里源渦村元 彬所
建後里人孫唐臣舜臣重葺之明嘉靖三年舉
人寇天瑞恢其舊址而增築焉中建先聖殿左
右翼以兩廡前爲櫺星門後爲 碧
塑先師四配十哲像於其中彬始立書院時元

榆次縣志卷之二

學校

唐開元中詔天下州縣並立孔子廟榆次廟學自唐以來當有之然莫可詳考宋真宗咸平二年龔父爲令建文廟於縣治之西今春秋奉俎豆者卽其舊也父後二百年金大定中縣令楊伯元崇廟貌樹戟門元至大三年縣尹任德中脩東西賢堂學諭石固爲之記至順二年縣尹侯洪復脩規模更有增益焉

榆次縣志

卷一

學校

十九

石固記云宣聖廟東西賢堂禊載逾遠欹傾毀廢春秋二祀奠無坫爵獻無豆籩令尹任公見而憫之鳩工復脩垣墉堦坳咸覩一新尊彝簠簋靡不具備

明洪武三年知縣林昇脩宣德間知縣曹顯成化間知縣宋信弘治初知縣梁琮繼加脩葺弘治九年教諭宇文鍾謀新學宮白於撫按乃屬布政司叅議繆昌檄知縣南明繕事與鄉官任義孫昌共經畫之越二歲至弘治十一年戊午十

月功竣中爲大成殿左右爲兩廡前爲戟門
泮池南爲櫺星門東爲神厨西爲齋宿所又西
爲文昌祠殿之旁爲祭器庫東南爲儒學倉又
南爲名宦鄉賢等祠明倫堂在殿後依仁齋在
堂東游藝齋在堂西齋之南左曰禮門右曰義
路制書樓在堂後東西爲號舍北爲教諭宅東
爲訓導宅凡一百八十六楹

按此弘治中宇文鍾所脩規制如此舊志云
文昌祠今改啟聖祠殿東南爲儒學倉今廢

制書樓今改敬一亭今者闔祭酒樸自指其
脩志時也自弘治至嘉隆間不過五六十年
已多所廢易如此

又按舊志云成化間知縣宋信弘治初知縣
梁琮繼加脩葺歲久就敝弘治九年宇文鍾
謀新之成化弘治相去甚近况弘治初至九
年尤近之近者安得云歲久就敝乎恐舊志
亦未覈其實據弘治十一年任義脩學碑云
義爲弟子員時已見學宮鮮葺比仕宦歸又

四十年春秋助祭驚仰殿欲就壓堂廡門垣
百廢如一弘治甲寅副憲陳公拜謁殿前顧
瞻荒廢議行脩改因遷官而事止越二年丙
辰教諭宇文鍾始謀鼎新於是少參繆公來
總其事計材料價咸有程度齋堂殿廡學官
之舍諸生講業之所鄉賢文昌等祠次第而
建其於梁琮絕不少及恐琮在當時意欲脩
而事未行後遂誤以爲琮亦曾脩耳不然寧
有琮脩葺於先不數年而遽頽敗若是任記
指之爲鍾事矣

正德中知縣吳縉增塑兩廡諸賢像而龕之嘉靖
二十五年知縣俞鸞以名宦鄉賢二祠迫近居
民遷於戟門左右隆慶四年提學副使某令移
於側東西向萬歷二十九年知縣張鶴騰以其
湫隘仍復於戟門左右而南向焉鶴騰增脩大
殿兩廡齋樓一新宮牆矗起又於戟門東闢門

改孟母祠爲延賓亭亭今廢是役也提學吳鴻
功作碑紀其事教諭王廷對訓導杜思周分役
有力焉萬歷三十二年知縣史記事以文廟前
民居逼迫乃闢地長一十五丈濶三丈櫺星門
外爲門壁繚以石柱木柵壁外爲泮池池外爲
大坊表曰雲路天梯坊外大壁飾以琉璃宏敞
壯麗與新闢西門通提學周繼昌爲碑刻石今
泮池已廢又敬一亭左右舊有號舍俱圯壞記
事增脩三十間收諸生之優者課業其中今並

廢崇禎二年知縣張任學重脩學宮邑人御史
張養以銀八百兩助其役於敬一亭之北建尊
經閣今以閣下爲崇聖祠閣東爲教諭宅西爲
訓導宅又改建文昌祠於明倫堂左規模益大
備兵部侍郎太原李成名爲之記任學亦有文
勒石學中後邑人兵備僉事褚應于復以磚甃
宮墻其廟前石欄皆脩治云

國朝順治十四年知縣熊光裕重脩時承明季兵
燹之後學宮垣宇圯壞光裕捐俸葺焉邑人光

祿鄉桑芸有碑康熙十二年教諭竇瑀率紳士
共修又於明倫堂東朐建魁星閣始春二月竣
功八月訓導馮繼祖爲記康熙二十二年十月
地震多所傾圮知縣劉星荆振 相繼修葺邑
紳桑日知有文刻石乾隆元年知縣王有德慨
學宮不葺者四十餘年乃與紳士議舉其事捐
金爲倡士庶樂輸越明年修葺過半而有德去
乾隆七年知縣錢標繼修之工未竣標復遷朔
州牧去規模將就丹雘未施乾隆十五年知縣
煥然宮墻瞻仰一新邑紳王系合紀其事勒之
碑

書院義學附

源池書院 在縣東八里源渦村元徵士趙彬所
建子大有孫唐臣舜臣重葺之明嘉靖三年舉
人寇天瑞恢其舊址而增築焉中建先聖殿左
右翼以兩廡前爲櫺星門後爲講舍煥飾丹碧
塑先師四配十哲像於其中彬始立書院時元

左丞呂思誠爲記刻於石今其碑尚存院中乾隆十三年知縣錢之青捐俸倡脩

魏榆書院 在縣治北街東康熙二十二年知縣劉星建正堂三楹西向南北各五楹外有門樓星自爲之記云營作於癸亥二月落成於九月買田四十畝置其中爲師弟子饘粥膏火資

小學 在縣治西文廟街明萬曆四十七年知縣劉似鰲建兵科給事張國儒爲記云劉侯於學宮前立小學北亭三楹南亭三楹東西並如之

門垣俱備歲捐學租穀六石銀六兩延小學師以教邑之童子後卽署其門曰劉公祠供似鰲位於內康熙二十二年知縣劉星分楊三知所買置社學中田五十畝之半置其中爲學者資今有諸生教授其中

社學 在北門街西順治七年知縣楊三知建邑僉事褚應于爲記云社學正楹六南北廂各五大門圍之三知買田五十餘畝以供學者民間子弟不能執束脩者使皆於此從先生而問業

焉今有諸生教授其中

忠義祠 在文廟西南康熙二十八年知縣劉星
建立雍正六年禮部文下直省諸州縣設立忠
義節孝祠知縣鄒澐查忠義祠康熙二十八年
已建稽節孝尚未有祠節孝諸牌附入知縣楊
三知所設義學中是時知縣會同儒學建節孝
祠於北門街西正楹三間南北廂五大門圍之
兩賢祠義學 在縣治東兩賢祠內乾隆十三年
知縣錢之青設歲出脩脯延義學師邑士民公
捐千金將買地爲膏火資每月八日則闔邑諸
生之優於文者共課藝焉

榆次縣志

卷一

學校

二十五

鳴謙鎮義學 本康熙中前知縣事王奕宣以官
亭廢址改建雍正二年知縣張孫紘給鹵地三
畝乾隆九年知縣徐玉田始以上戈村歸公地
一十八畝撥入以給師生

東郝村義學 乾隆十一年知縣徐玉田所立十
二年以村東三妙溝地三十一畝撥入學中
什貼鎮義學 乾隆十三年知縣錢之青捐建學

舍內有西和堰地六畝辛置地十畝

供脯修者

聶村義學 乾隆十三年里人公建撥妙智寺地

二十九畝以供脩脯貢生王呂識爲記

張村義學 乾隆十三年監生智昌捐地造學舍

復捐膏火地三十畝延師

永康鎮義學 乾隆十三年監生王光捐地起學

舍復歲給脯脩延師以教鄉之子弟焉

涂川書院 在縣西舊志云明成化中知縣梁琮

榆次縣志

卷一

學校

二十六

建卽舊城隍祠遺址爲之至嘉靖末已廢今無
識其故處者

東陽鎮義學 明萬歷二十四年鄉民安國夫孟

松等捐地請立義學知縣徐守謙建亭五楹今

廢